

և ի հայրապետութեան Տեառն Տէր Մելիսեփ
կաթողիկոսին և վարդապետին իմոյ Գրիգոր
բաշ րաբունապետին Կեսարացւոյ...» (Տաշ-
եան, Մայր Յոյակ, էջ 778):

1619ին դարձեալ նոյն գրչին Կուտի-
նայի մէջ գրել տուած է ուրիշ ձեռագիր
մը որուն յիշատակարանը համանման բա-
ռերով խմբագրուած է (Հ. Բարսեղ Սար-
գիսեան, Յոյակ Վենետիկի, էջ 274):

Նշանակելի է որ այս յիշատակարան-
ներուն մէջ իր հովուական պաշտօններուն
մասին ակնարկ չկայ:

Աղաւնունի եպս. (Միաբան, և Այցելւ, էջ 320) կը հաստատէ թէ անիկա Երուսա-
ղէմ ալ գացած է, Գրիգոր Պարոնտէրի իշ-
խանութեան ատեն (1613 - 1645):

Ամէն պարագայի մէջ Յակոբ եպս.
Քէօթահիացի նոյնիսկ եպիսկոպոսանալէն
յետոյ աշակերտած և գործակցած է Գրի-
գոր վրդ. Կեսարացիին, որուն փոխանոր-
դած է ի Կ. Պոլիս և ի Կեսարիա: Տրդատ
եպս. Պալեան կ'ըսէ թէ «այնպէս կ'աւան-
դուի թէ, Գրիգոր Կեսարացիի Կ. Պոլսոյ
պատրիարքութեան միջոցներուն, Յակոբ
եպս. Կուտինացին Ս. Կարապետի վանքի
առաջնորդ-վանահայրութեան պաշտօնին
մէջ գտնուած է և կամ իբր փոխանորդ
ղրկուած է Գրգոր Կեսարացիի կողմէն»